

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Reden und Arbeiten der Societas Latina - Cod. Karlsruhe 3420, 1-4

11 Reden der Societas Latina - Cod. Karlsruhe 3420,4

Rinck, Christoph Friedrich

[Karlsruhe], 1801-1804

[Rinck, Carl Friedrich]: Director gravissime! Socii honoratissimi!

[urn:nbn:de:bsz:31-99852](https://nbn-resolving.org/urn:nbn:de:bsz:31-99852)

IV. Carol: Frider. Hinz: Langenalbens. sis.
 Director gravissime!
 Socii honoratissimi!

Ingrato homine nil utique tetrius, nil abjectius, nil contentius esse, apud bonos omnes sapienterque constat. Qualem enim illius animum, quam rudem quamque deformatum, et ab omni sensu humano amotum esse, censes, quem ne beneficiis quidem conciliare tibi et obstringere valeas! Nam quum vel sola humanitatis conjunctio in mutuam benevolentiam mortales cieat et alliciat, multo sane major ad devinciendos animos vis esse debet eorum, quae ab aliis liberaliter in nos conferantur bona. Quocirca et vitio, quo bene de nobis merentium opera leviter ac frigide negligitur, summam lahem et turpitudinem inesse merito statuitur.

Benignitas Tua, Director spectatissime, vestra humanitas, Socii condecoratissimi, ac recens beneficium, quo a Vobis me ornatum sentio, in eam cogitationem mentem meam adduxit. Nisi enim, quantum in viribus meis posita est, pro sodalitiis honore in me collato, gratum me praestare eniteret, summo dedecore memet maculaturum esse, facile intelligo.

Itaque gratias quam tibi quam maximas ago, et dum vitam habeo, quod e praecellente sodalitate vestro insigni studio meis subsidium paratis. Te dote, Te magistro, Director venerande, qui in erudiendis juvenum ingeniis aetatem et solertiam